



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

ODLUKA

O DAVANJU SAGLASNOSTI PRAVOBRANILAŠTVU GRADA SARAJEVO ZA ZAKLJUČENJE SUDSKE NAGODBE

(Prijedlog)

Predlagač: Pravobranilaštvo Grada Sarajeva

Obradivač: Pravobranilaštvo Grada Sarajeva

Sarajevo, maj 2024. godine

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Na osnovu odredbi člana 26. i člana 31. stav 1. tačka f) Statuta Grada Sarajevo (Službene novine Kantona Sarajevo br. 7/23), Gradsko vijeće Grada Sarajevo na __. sjednici održanoj dana __. __. 2024. godine, donijelo je

(Prijedlog)

O D L U K U
o davanju saglasnosti Pravobranilaštvu Grada Sarajevo
za zaključenje sudske nagodbe

Član 1.

Gradsko vijeće Grada Sarajevo daje saglasnost Pravobranilaštvu Grada Sarajevo, kao zakonskom zastupniku, da u ime Grada Sarajevo zaključi sudsku nagodbu između Grada Sarajevo, kao tužitelja i Udruženja građana Medicinska asocijacija BIMA u Bosni i Hercegovini, kao tuženog povodom sudske postupka koji se pred Općinskim sudom u Sarajevu vodi u predmetu broj 65 0 Ps 1025123 23 Ps.

Član 2.

Sudskom nagodbom će se regulisati međusobni odnosi, povrat i predaja u posjed medicinske opreme, namještaja i mobilijara koja je predmet tužbenog zahtjeva u navedenom sudskom postupku, a na način kako je to navedeno u Dopisu tuženog broj: HM 01/04/24 od 05.04.2024. godine koji čini sastavni dio ove Odluke, i to da tuženi Medicinska asocijacija BIMA u Bosni i Hercegovini priznaje u cijelosti tužbeni zahtjev, te se obavezuje izvršiti povrat cjelokupne opreme koja je predmet parničnog postupka, dok se istovremeno Grad Sarajevo obavezuje zaključiti Ugovor radi davanja na korištenje Medicinskoj asocijaciji BIMA u Bosni i Hercegovini opremu koja je u Dopisu br. HM 01/04/24 od 05.04.2024. godine navedena kao oprema koja je neophodna za daljnji rad Medicinske asocijacije BIMA u Bosni i Hercegovini.

Član 3.

Pravobranilac i zamjenici pravobranioca u Pravobranilaštvu Grada Sarajevo se ovlašćuju da mogu po stupanju na snagu ove Odluke mogu zaključiti sudsku nagodbu sa ovlaštenim licima, odnosno punomoćnikom Udruženja građana Medicinska asocijacija BIMA u Bosni i Hercegovini.

Član 4.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

O b r a z l o ž e n j e

I - PRAVNI OSNOV

Pravni osnov za odnošenje Odluke sadržan je u odredbama člana 87., 89., 90. i 91. Zakona o parničnom postupku (*"Sl. novine FBiH"*, br. 53/2003, 73/2005, 19/2006 i 98/2015).

Odredbama člana 87. stav 1. je propisano da *"Stranke mogu zaključiti nagodbu o predmetu spora u toku cijelog postupka do njegovog pravomoćnog okončanja (sudska nagodba)"*, odredbe člana 89. propisuju da *"Sudska nagodba se može odnositi na cijeli tužbeni zahtjev ili na jedan njegov dio"*, dok odredbe člana 90. stav 1 i 2 propisuju da *"Sporazum stranaka o nagodbi unosi se u zapisnik"*, te je *"Nagodba zaključena kad stranke potpišu zapisnik"*, dok konačno odredbe člana 91. propisuju da *"Sudska nagodba ima snagu izvršnog naslova"*.

Pravni osnov odluke sadržan je u odredbama člana 26. i člana 31. stav 1. tačka f) Statuta Grada Sarajevo.

Odredbe člana 26. Statuta Grada Sarajevo propisuju da *"Gradsko vijeće, kao predstavničko tijelo građana Grada Sarajeva i organ odlučivanja, najviši je organ Grada Sarajeva i odlučuje o svim pitanjima iz članova 17. i 18. ovoga Statuta"*, dok odredbe člana 31. stav 1. tačka f) propisuju da Gradsko Vijeće upravlja i raspolaže imovinom Grada Sarajeva.

II - RAZLOZI ZA DONOŠENJE

Gradsko vijeće Grada Sarajevo je na 23. sjednici održanoj dana 25.01.2023. godine donijelo Odluku o stavljanju van snage Odluke o poklonu medicinske opreme, namještaja i mobilijara. Navedena Odluka je objavljena u Službenim novinama Kantona Sarajevo br. 7/23, a istom je stavljena van snage Odluka o poklonu medicinske opreme, namještaja i mobilijara (Službene novine Kantona Sarajevo br. 2/21), te je zadužena gradonačelnica i Pravobranilaštvo Grada Sarajevo da, svako u okviru svojih nadležnosti, poduzme radnje radi raskida zaključenog Ugovora o poklonu medicinske opreme, namještaja i mobilijara i povrata istog u posjed Grada Sarajevo.

Temeljem navedenih zaduženja proisteklih iz Odluke o stavljanju van snage Odluke o poklonu medicinske opreme, namještaja i mobilijara, po raskidu navedenih ugovora i upućivanju zahtjeva radi povrata u posjed predmetnih pokretnih stvari, Pravobranilaštvo Grada Sarajevo je dana 15.03.2023. godine pred Općinskim sudom u Sarajevu pokrenulo sudski postupak radi povrata medicinske opreme, namještaja i mobilijara. Navedenim postupak se pred Općinskim sudom u Sarajevu pod brojem predmeta 65 0 Ps 1025123 23 Ps. U navedenom predmetu pripremno ročište je održano dana 12.02.2024. godine, te isto je odloženo radi, po prijedlogu tuženog Udruženja građana Medicinska asocijacija BIMA u Bosni i Hercegovini, pokušaja mirnog rješenja spora.

Dana 08.04.2024. godine na adresu Pravobranilaštva Grada Sarajevo je dostavljen dopis Udruženja građana Medicinska asocijacija BIMA u Bosni i Hercegovini – Akt Informacija br. HM 01/04/24 od 05.04.2024. godine sa prijedlogom za povrat dijela opreme, dok bi se drugi dio opreme stavio na raspolaganje Udruženju građana Medicinska asocijacija BIMA u Bosni i Hercegovini radi nastavka njihovog rada i funkcionisanja u smislu pružanja zdravstvene zaštite na dobrotvornoj i humanitarnoj osnovi.

U predmetnoj pravnoj stvari po tužbi Grada Sarajevo protiv Udruženju građana Medicinska asocijacija BIMA u Bosni i Hercegovini nije donesena presuda, stoga se može reći da postoji

neizvjesnost u pogledu konačnog ishoda sudskog postupka, te prava i obaveza između parničnih stranaka.

Također treba uzeti u obzir činjenice da je Ugovor o poklonu između Grada Sarajevo i Udruženja građana Medicinska asocijacija BIMA u Bosni i Hercegovini zaključen dana 19.01.2021. godine, dakle prije više od tri (3) godine, kao i da je godišnja stopa amortizacije na opremu od 15% sukladno odredbama Zakona o porezu na dobit („Službene novine F BiH“ 15/16 i 15/20).

U slučaju vođenja redovnog sudskog postupka i prema tome procjenjujući uobičajno vrijeme trajanja sudskih postupaka do ishodovanja pravosnažne odluke, predmetna oprema bi u cijelosti bila amortizovana.

Također, zaključenjem ove sudske nagodbe okončao bi se sudski parnični postupak koji bi, uzimajući u obzir uobičajeno vrijeme trajanja sudskih postupaka pred Općinskim i Kantonalnim sudom u Sarajevu mogao trajati nekoliko godine, a istim bi se doprinijelo ekonomičnosti i efikasnosti postupaka.

III – OBRAZLOŽENJE ZA DONOŠENJE ODLUKE

Prijedlog Odluke dostavlja se Gradskom vijeću na nadležno razmatranje i odlučivanje, kao organu Grada nadležnom da upravlja i raspolaže imovinom Grada Sarajevo, a radi davanja ovlaštenja Pravobranilaštvu Grada Sarajevo za zaključivanje sudske nagodbe budući da je za isto neophodno prethodno usvajanje ove Odluke.

IV - FINANSIJSKA SREDSTVA

Za realizaciju ove Odluke nisu potrebna finansijska sredstva.



Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
PRAVOBRANILAŠTVO

PRIJELIČENO: 08.04.2024. <i>ka</i>			
Priglasila opisno	Klasifikacioni opisno	Redni broj	Broj priloga

PFn: DOPIS
Protokol:HM 01/04/24
Sarajevo, 05.04.2024 godine

GRAD SARAJEVO
n/r Admir Jusufbegović
PRAVOBRANI LAC

PREDMET: INFORMACIJA – DOSTAVLJA SE

Poštovani,

Kao što ste upoznati Grad Sarajevo je Ugovorom o poklonu medicinske opreme, namještaja i mobiliraja broj 01/04-04-6432-2/20 od 19.01.2021 godine Medicinskoj asocijaciji BIMA je donirala opremu iz priloga.

Također kako je u procesu sudski postupak vezano za raskid navedenog ugovora, a kao društveno odgovorna organizacija koja se bavi humanitarnim radom od davne 1998 godine u nastavku dostavljamo prijedlog mogućeg rješenja sudskog postupka kroz povrat većine opreme.

BIMA je nevladino, neprofitabilno udruženje medicinskih radnika koja se bavi pružanjem zdravstvene zaštite zdravstveno neosiguranom stanovništvu, uglavnom izbjeglicama/povratnicima na prostoru cijele Bosne i Hercegovine, ali i edukativnim programima iz polja zdravstva i zdravstvene zaštite, te uvezivanjem zdravstvenih eksperata u našoj zemlji i šire.

Osoblje koje podržava rad BIMA-e čine ljekari, stomatolozi, farmaceuti, radiolozi, medicinski laboranti, medicinske sestre, fizioterapeuti, veterinari i studenti medicine, stomatologije, farmacije i veterine.

Članovi medicinske asocijacije BIMA su bili ili su trenutno najistaknutiji zdravstveni profesionalci, ugledni liječnici, docenti i profesori UNSA, ali i BURCH i IUS Univerziteta u Sarajevu.

BIMA je članica FIMA-e (Federacija Medicinskih Asocijacija) koja je registrirana kao članica UN.

Najveći angažman BIMA pruža kroz organizovano pružanje zdravstvene zaštite na dobrotvornoj i humanitarnoj osnovi koju je do sada u stotinu i jednu organizovanu akciju primilo na hiljade građana BiH u povratničkim naseljim, ali i u Sarajevu.

Svojim radom i humanitarnim djelovanjem na volonterskoj osnovi Medicinska asocijacija BIMA u BiH na najbolji način vrši promociju grada Sarajeva donoseći preko svojih građana poruku solidarnosti i nade onima kojima je pomoć potrebna.

U prethodnih 25 (dvadeset i pet godina) smo uradili:

1. Stotinuijednu akciju (101-posjeta povratničkim mjestima) i pružali besplatne specijalističke preglede, podjelu lijekova, veterinarske preglede i dr.
2. Među prvima članovi BIMA asocijacije su pružali smo pomoć stradalima u tragičnim događajima prirodnih nepogoda razornih zemljotresa u Pakistanu i Turskoj.
3. Zajedno sa parterima, drugim humanitarnim udruženjima, reagovali na prvi talas velike migrantske krize organizujući zdravstvenu pomoć na šest pograničnih područja Srbije i Makedonije (2015 godine)
4. Organizatori su naučnog skupa sa međunarodnim učešćem sa preko stotinu stranih učesnika BIMA/FIMA scientific Convention Sarajevo 2001. na kojem su prezentirani stručni i naučni radovi iz velikog broja zemalja učesnica. Time je BIMA na najbolji način prezentirala stručnu i naučnu zajednicu Sarajeva, ali i BiH.

Svi ovi rezultati su postignuti u nekim od slijedećih gradova i mjesta diljem naše lijepe BiH:

Sarajevo, Srebrenica, Sučeska (Srebrenica) Zvornik (Križevići), Glamoč, Kotor Varoš, Prijedor, Kozarac, Banjaluka, Bosanski Novi, Bosanska Kostajnica, Ahmići, Prusac, Čapljina (Domanovići), Doboj (Grapska), Janja, Višegrad, Mičivode (Sokolac), Šipovo, Stolac, Goražde, Strgačine, Kula Grad,, Podveležje, Ustikolina, Teslić , Rotimlja, Trebinje, Ustiprača, Žepa, Klisa, Modriča, Potočari, Buna, Vlasenica, Šamac, Hambarine, Živinice, Kotorsko, Vlasinje, Klisa, Počitelj, Prača, Ustikolina, Šabići, Sapna, itd.

Kako imamo namjeru nastaviti gore navedenu misiju diljem naše BiH, a kako nismo realizirali otvaranje humanitarne ambulante (zbog nepostojanja zakonskih okvira) za koju je većina donirane opreme planirana i za koju je **BIMA dobila saglasnost za uvoz preko Federalnog ministarstva zdravlja (kao registrirano udruženje) u nastavku dostavljamo spisak opreme koja nam je neophodna za dalji naš rad na terenu i funkcionisanje same humanitarne organizacije.**

U tu svrhu u prilogu je spisak opreme tražimo da se stavi kroz raspolaganje za nastava rada. Ukoliko detaljno pogledate vidiet ćete da ukupan broj stavki donirane opreme je 132 ili 239 komada, a BIMA zadržava 40 stavki (41 komad).

Prilog:

- Spisak opreme za raspolaganje Medicinskoj asocijaciji BIMA,
- Zapisnik kompletne opreme,

Za nejasnoće stojimo na raspolaganju.

061 228 689, Hasan Mrkonja
S poštovanjem,

Hasan Mrkonja, dipl. oecg
Predsjednik BIMA-e

